

مطوية أعمال الحج (للوزارة)

Hadžske radnje

Hadžske radnje

Muhammed b. Salih El-'Usejmin
Kraljevina Saudijska Arabija
Ministarstvo za islamska pitanja i misionarstvo
Hadžske radnje

Uvaženi Šejh:
Muhammed b. Salih El-'Usejmin
Allah mu se smilovao

Djela prvog dana hadža

A to je osmi dan mjeseca zul-hidždže

1. Nijeti ulazak u obrede hadža (onaj ko boravi u Meki i njenoj okolini) sa svoga mjesta, pa se okupa, namiriše, obuče ihrame i kaže:

Odazivam Ti se, hadž čineći. Odazivam Ti se, Allahu moj, odazivam! Odazivam se Tebi, Koji ravnoga Sebi nemaš, odazivam! Doista, zahvalnost i sve blagodati Tebi pripadaju, kao i sva vlast! Ti nemaš sudruga. A što se tiče onoga ko u Mekku dođe tek toga dana, a dolazi iza mikata, on ne smije preći mikat bez da zanijeti ulazak u obrede. - Uputi se na Minu i na njoj boravi do izlaska Sunca devetoga dana (mjeseca zul hidždžeta). Tu klanja podne, ikindiju, akšam i jaciju osmoga dana, te sabah devetoga dana, svaki namaz u njegovo vrijeme, a četverorekatne skraćuje.

Djela drugog dana hadža

A to je deveti dan mjeseca zul-hidžeta

1. Nakon izlaska Sunca, uputit će se na Arefat, klanjat će podne i ikindiju skraćeno i spojeno u podnevskom vremenu, te će se po dolasku, ukoliko bude u prilici, zadržati na mjestu "Nemira (نَمِرَة)" prije nego se Sunce pomjeri sa zenita.

2. Nakon namaza, potpuno će se posvetiti zikru i dovi sve do zalaska Sunca, te će biti okrenut prema kibli i podići će ruke.

- Nakon zalaska Sunca uputit će se na Muzdelifu, pa će na njoj klanjati akšam tri rekata i jaciju dva rekata, i tu prenoćiti sve do zore.

4. Klanja sabah nakon zore, zatim se posveti zikru i dovi sve dok se dobro ne razdani (prije izlaska Sunca).

5. Kretanje na Minu prije izlaska Sunca.

Djela trećeg dana hadža -

A to je dan Bajrama (deseti dan mjeseca zul-hidžeta)

1. Stigavši na Minu, ide do džemretul-akabe, pa ga gađa sa sedam kamenčića, jedan za drugim, donoseći tekbir sa svakim kamenčićem.

2. Zaklat će svoju obrednu životinju ukoliko je ima.

3. Obrijat će glavu ili ošišati kosu, i time nastupa prvi tehallul (malo oslobađanje ihramskih

obaveza); odjenut će svoju odjeću, namirisat će se i dozvoljene su mu sve zabrane ihrama, izuzev intimnog odnosa.

4. Spustit će se u Mekku i obaviti hadžski tavaf. Potom će obaviti sa'j hadža između Safe i Merve, ukoliko hadž obavlja po temettu' načinu. Isto tako će ga obaviti i onaj ko hadž ne obavlja na taj način, a nije obavio sa'j sa početnim tavafom kada je tek ušao u Meku.

Time postiže drugi tehallul, te mu postaje dozvoljeno sve što je zabranjeno u ihramu, pa čak i intimni odnos sa suprugom.

5. Vratit će se na Minu, pa će na njoj boraviti jedanaestu noć.

Djela četvrtog dana hadža

A to je jedanaesti dan mjeseca zul-hidžeta

1. Baca kamenčiće na tri džemreta: prvo džemre, zatim srednje džemre, pa glavno džemre - džemretul-akabe. Na svako džemre baca po sedam kamenčića, jedan za drugim, te uz svaki kamenčić izgovara tekbir. Baca ih poslije zevala, a nije dozvoljeno prije toga. Nakon prvog i srednjeg džemreta treba zastati radi upućivanja dove.

2. Noćenje na Mini dvanaeste noći.

Djela petog dana (hadža)

A to je dvanaesti dan (mjeseca zul-hidžeta)

1. Gađat će tri džemreta na isti način kao što je to činio četvrtog dana.

- Krenut će sa Mine prije zalaska Sunca ako se želi požuriti, ili će na njoj prenoćiti ako želi ostati.

Djela šestog dana hadža

A to je trinaesti dan mjeseca zul-hidže

Ovaj dan je za onoga ko želi duže boraviti na Mini i u njemu se čini:

1. Gađa sva tri džemreta kao i prethodna dva dana.

2. Nakon toga odlazi s Mine.

Posljednji obred je oproštajni tavaf prilikom odlaska, a Allah najbolje zna.

Sadržaj

Hadžske radnje	2
Hadžske radnje	2
Djela prvog dana hadža	2
A to je osmi dan mjeseca zul-hidždže	2
Djela drugog dana hadža.....	3
A to je deveti dan mjeseca zul-hidžeta.....	3
Djela trećeg dana hadža –	3
A to je dan Bajrama (deseti dan mjeseca zul-hidžeta).....	3
Djela četvrtog dana hadža	4
A to je jedanaesti dan mjeseca zul-hidžeta	4
Djela petog dana (hadža)	5
A to je dvanaesti dan (mjeseca zul-hidžeta).....	5
Djela šestog dana hadža	5
A to je trinaesti dan mjeseca zul-hidže.....	5